



江東白苧小序



曲之興也發舒乎性情
而節宣其欣戚者也。自習
于道聽者。但而不文。偏于
炫博者。窒而弗達。失之

均矣。梁伯子多宗玉之微
詞。慕向長之遠遊。觸物
感懷。抒情吊古。官商按
而凌風韻。生律呂。協而
擲地聲。作不俚不室。雖

落索數語。瓊瓏百言。
有不足謝者。吳中好事
編集成帙。題曰江東白
苧。將梓以傳。携以相示。
予感夫知音者稀而喜

其予善之切視彼甘包
魚而易家丘者不佯也
為之題其端而歸之

冷然居士張伯起撰

江東白苧目錄

卷上

詠輕雲 贈王秋卿

桂枝香

不是路

長拍

短拍

餘文

月雲高

風情二首

又

詠簾櫳

櫳命篇

白練序

醉太平

白練序

醉太平

餘文

算秋閨怨

白練序

醉太平

白練序

醉太平

餘文

補陸天池無雙傳二十折後

江東自序目
刷子序

貼

虞美人犯

生

普天樂犯

貼

針線箱犯

生

餘文

元宵燈詞

好事近

又

千秋歲

又

越恁好

又

紅繡鞋

又

尾聲

駐馬聽

登黃鶴樓有懷故園

又 寓居長沙客舍作

又 閨怨

又 同漁舟曉泊岳陽樓下作

又 寄遠

雜詠效沈青門唾窗絨體

駐雲飛 春恨

又 幽會

又 邂逅

又 奇遇

又 邀請

又 寄遠

又 殘夢

又 密約

又 曉粧

又 沈醉

詠蛺蝶

梁州序

又

又

又

節節高

又

餘文

初夏題情

改定陳大聲原作

梁州序

又

又

又

節節高

又

尾聲

寄王桂父

香遍滿

嬾画眉

金索挂梧桐

浣溪沙

劉潑帽

秋夜月

東歐令

金蓮子

尾聲

江東白苧卷上目

江東白苧目錄

卷下

秋日登澱水驛樓感舊作

畫眉序

又

又

又

滴溜子

鮑老催

滴滴金

鮑老催

雙聲子

尾聲

過湘江弔屈大夫

小桃紅

下山虎

蠻牌令

尾聲

擬漢宮春怨

煉二郎神

又

轉林鶯

又

錦衣公子

又示公子

琥珀猫兒墜

又林鶯

尾聲

秋懷

謝二郎神

鶯啼序

簇林鶯

喙木兒

滴溜子

水紅花犯

尾聲

山坡羊

代謝少蘊寄江陵遊客

又

代葛雲卿寄蒼雪主人

又

代王幼玉寄東海王生

又

代劉季招寄申椒居士

擬出塞

念奴嬌序

又

又

又

古輪臺

又

尾聲

題居士貞画金陵王儒卿賽玉卷

步步嬌

江兒水

園林好

川撥棹

五供養

僥僥令

尾聲

擬金陵懷古

夜行船

又

鬪黑麻

又

錦衣香

漿水令

尾聲

玉抱肚

長沙江上作

又 過湘江

又 歲暮登江陵庾信樓作

又 江陵燈夕筵上畱別諸公歸蘇州

又 荊州江上別歸舟作

又 毘陵送洪州龔副使赴鄖陽

又 代閨人問邊使

又 代邊戍寄家人

又 囑雁

又 囑魚

又 代田瓊英畱別

又 懷江陵舊遊

又 吳宮詞

又 銅雀臺懷古

又 春郊邂逅

又 送屯田員外周胤昌左遷武岡

江東白芍

又 代江頭畱別

又 憶梧桐館

又 得杜三堂南都寄來書

又 聞春至有感

江東白苧卷下目

續江東白苧

卷上

南呂

宜春令

辛酉季秋代沈太
玄贈金陵楊季真

太師引

瑣窗寒

三段子

東歐令

三換頭

劉潑帽

大勝樂

解三醒

節節高

三學士

大遶鼓

撲燈蛾

尾聲

中呂
好事近
壬戌寄春代朱長孺贈金陵呂小喬

榴花泣

錦纏道

千秋歲

普天樂

鮑老催

古輪臺

尾聲

雙調 步步嬌 丙寅初夏為廬陵尹教甫贈金陵蔣蘭玉小字綺霞作

孝南歌

香柳娘

園林好

江兒水

倖倖令

尾聲

南呂 懶画眉 改定武林沈青門作

不是路

中呂 皂角兒

尾聲

雙調 步步嬌 癸亥秋夜同雲房胥姬坐雨西窗感舊作

忒忒令

沉醉東風

好姐姐

園林好

江東白芍
江兒水

五供養

玉交枝

川撥棹

香柳娘

尾聲

中呂

瓦盆兒

巳巳立秋夜雨悼
亡姬胥雲房作

榴花泣

喜漁燈

尾聲

中呂入
雙調

攤破金字令

庚午孟夏望夕遇虞山月
容張一兒於虎丘殿堦作

夜雨打梧桐

雙調

二犯江兒水

贈石城
美人

雙調

孝南歌

庚午初秋悼
亡改定舊曲

商調

黃鶯兒

題幽
蘭

簇玉林

南呂 紅衲襖 改定金陵金白嶼蕭爽齋集寄情之作

五更轉

浣溪沙

東歐令

大迓鼓

節節高

金蓮子

尾聲

正宮

破齊陣

辛未五月咏時序悼亡作

刷子序

端午

普天樂

七夕

尾犯序

中秋

錦纏道

九日

傾盃序

長至

玉芙蓉

除夕

小桃紅

一作山桃犯非越調小桃紅也元宵

摧拍 上巳

一撮棹 清明

仙呂 月兒高 辛未八月初四日紅橋庄居作

桂枝香

不是路

排歌

皂羅袍

大聖樂

解三省

皂角兒

尾聲

中林 好事近 代寶界山人寄趙素卿作

錦纏道

普天樂

古輪臺

尾聲

江東白苧

續

南呂 香羅帶 壬申秋何昭華訪余玉山
下扁舟西歸賦別

醉扶歸

香柳娘

尾聲

南呂 七犯玲瓏 壬申八月十七夜遇
陳芳蘭于虎丘作

前腔 再寄陳
芳蘭

續上江東白苧目

續江東白苧

卷下

雙調 步步嬌 別情 壬申秋日代
幻住子寄邢素蘭作

忒忒令 初見

尹令 重逢

品令 訂盟

荳葉黃 幽遇

玉交枝 懽會

江東白苧

續下

月上海棠 話別

江兒水 離情

川撥棹 哀怨

嘉慶子 祈祝

尾聲 復合

征胡兵 代閨人寄遠

前腔 答閨人

南呂 六犯碧桃花

仙呂 小措大 癸酉季秋代綠蘿居士懷馬相蘭作

不是路

長拍

短拍

尾聲

中呂 榴花泣 代少室山人九日雨花臺別陳文姝作

錦纏道

節節高

漁家燈

尾聲

僊呂 甘州歌 代敲臺居士 贈徐三瓊英

前腔

不是路

解三醒

前腔

尾聲

商調 金落索 為濱竹姜八懷 華亭秋水作

五更轉

簇玉林

琥珀猫兒墜

尾聲

南呂 七賢過關 代金壇王四兒錫 山渡口曉別作

南呂 銷金帳 夜宿穆陵 關客舍

南呂 楚江情帶金子經 歲算客 中書懷

山麻客

此調未定再查南九宮作二犯關寶蟾近本作繡停針俱非是

五韻美

近本作醉歸遲恨薄情俱非是

四般宜

即蠻牌令

五般宜

近本作江頭送別賀昇平怨東君俱非是

江頭送別

近本作鬪雙雞非是

憶多嬌

此調刻南九宮譜原如魂渺漠唱近本增出十餘字不知何調

越調 小桃紅

乙亥初秋代安茂卿寄南都褚禱作與暗思昔日同調

下山虎

尾聲

僊呂

四季花

寒宵閨怨

集賢賓

簇林鶯

琥珀貓兒墜

水紅花

尾聲

雙調

二犯江兒水

莫雲卿携戴膩兒過婁水作

商調 啄木兒 題幽閨女郎○此套出商輅三元記戲文春歸後花正卉同調

賣花聲帶歸僊洞

尾聲

中呂 好事近 代瑯琊季子寄白玉英

泣顏回

榴花泣

石榴花

尾聲

南呂 ○巫山十二峰 代高平生憶杜隱娘

三僊橋 一從他們起誓時畧聚首止

白練序 颯颯萬縷長起画橋遊舫止

醉太平 惆悵藏鴉未穩起堪傷止

普天樂 婚姻分內緣不到起使人夢斷魂勞止

征胡兵 百愁萬苦千生受起飯食何處有止

香遍滿 須索要掙閨起也只為糟糠婦止

瑣寒窗 守孤幃幾度沾衿起毋苦難禁止

劉潑帽 鳥絲醉寫俚紅袖起

三換頭 且都揀捨止

梁州序 幾人見止

節節高 起人清健止

東歐令 悠悠兩句

尾聲

南九疑山 代金陵馬瑤姬寄渤海次君

香羅帶 首一從鸞鳳分起

征胡兵 方纔可救止

嬾画眉 水共高山止

醉扶疇 寵起心先痛止

梧桐樹 故把人憊慙止

瑣寒窗 那愁他罄囊虛廩

大迓鼓 赤繩不曾縮止

解三省 空回首望孤雲

劉潑帽 鳥絲醉寫俚紅袖起

尾聲

朝元歌帶朝元令

送表弟凌升
伯遊嶺南

續下江東白苧日

江東白苧卷上

仇池外史梁辰魚

長樂郡
招錄西
諸子

詠輕雲

贈王秋卿

蘇臺王子小字輕雲性度通明風儀秀整高
歌凌乎白雪游藝擅乎朱絃同心學結似西
陵松下之蘇香翰盈箋類萬里橋邊之薛北
溪華子携之草堂心聲頓起於筵前目色橫
生乎燈下悵佳人之難得感勝會之不常遂

江東白帶
卷上
構斯篇以應來命

○桂枝香

江東日暮亂山無數。天邊常鎖春陰。嶺畔半橫。秋樹陽臺夢紆。陽臺夢紆。襄王凝竚。朝行何處。暮天低迷。迷却南來雁。關河未有書。

不是路

曾上衡廬見一片飛來。萬里餘。蒼梧遠。飄揚踪跡。定何如。路崎嶇。重重隔斷。瀟湘渚。何日乘風。

下九疑。休回顧。翠華不見。迷歸路。幾時還遇。幾時還遇。

長拍

舞按霓裳。舞按霓裳。歌停金縷。送月來。被人間。畱住。這是。蕊宮僊。馭髻半偏。遊戲天衢。盡駕絳綃輿。引飛瓊。控兩兩。綵鸞歸去。幾見。瑤池傳曲。遠。誰還念。黃鶴樓中。千載虛問。僊姬何事。冒雨。濕羅襦。又不知。春山淡淡。鎖何日還舒。

短拍

襯暖成綿。襯暖成綿。催寒做雨。伴茶烟細繞簷。
隅何處是郎居。千里隨風。遍訪無拘管。浪如春
絮。曾渡秋風。汾水至今。但和朔雁空飛。

餘文

山中住。原無侶。數被清風引去。終有日歸來返
故廬。

月雲高

風情二首

夢魂初覺。閒庭弄花艸。見蛺蝶雙雙戲。忍不住
將闌干靠。誰料喬才隔窗兒。覷着了。他背地將
腰摟。我不合。就回身抱。雖是平日秋波。眼上招
畢竟是桃花命。內遭

又

匆匆得見。姻緣分還淺。又不曾通音信。難道便
相畱戀。誰料娘行霎時間。寸心軟。他旣把終身
許我。豈忍將深盟變。雖是只得郵亭一夜眠。畢

江東白守
竟 是 藍 橋 宿 世 緣

詠 簾 櫳

詠物之作其來尚矣模寫之妙世或鮮焉非
音調之不諧卽情文之未至旣垂舊譜復累
新聲緬惟楊柳窺青之篇斯稱作者繼而芳
草春烟之句不愧前人余素蹈歌場兼獵聲
囿因端居之多暇見筆硯之精良假微物以
適情托蕪詞而比義喜於房廊縱步特以簾

櫳 命 篇

○ 白 練 序

東風軟見曲曲迴廊暮靄收凝粧映幾簇禁烟
新柳春晝翠羽稠任滿院楊花不自由空相叩
芳容阻隔似無還有

醉 太 平

刺繡蝦鬚靜掩趁遊絲亂撲花影閒撈揚州十
里爭露半額嬌羞纖柔朝來風靜試銀鈎有誰

問海棠依舊捲舒常在斜月小窗暗雨危樓

白練序

風流倚醉眸湘裙故畱牽情處分明送幾聲鶯
喉綢繆院宇幽伴落日陰陰燕子愁徘徊久風
驚翠竹故人相候

醉太平

宸遊披香半揭天顏應近傍垂紅袖香籠霧鎖
通幾點隔花銀漏悠悠西風高挂漢宮秋有人

似黃花清瘦九疑雲冷湘波映着翠蛾雙皺

餘文

低掩重重如殢酒愁來試捲樓上頭空目斷長
江萬里舟

暮秋閨怨

時喜融和物傷蕭索雖由天運寔繫人情所
以九秋之花不及三春之草余淪身未濟落
魄不羈感紈扇之棄捐每墮班夫人之淚見

江東白序
卷一
草木之搖落常增屈弟子之悲非兒女之情
多寔英雄之氣塞因假閨人之意以開烈士
之膺調寄正宮序同白練

○白練序

西風裏見點點昏鴉渡遠洲斜陽外景色不堪
回首寒驟謾倚樓奈極目天涯無盡頭消魂處
淒涼水國敗荷衰柳

醉太平

羅袖琵琶半掩是當年夜泊月冷江州虛窗別
館難消受暮雲時候嬌羞腰圍寬褪不宜秋訪
清鏡爲誰憔悴海盟山呪都隨一江逝水東流

白練序

凝眸古渡頭雲帆暮收牽情處錯認幾人歸舟
悠悠事已休總欲致音書何處投空追究光陰
似昔故人非舊

醉太平

江東白帶
卷一
颼颼霜林鬪葉更風簷驟馬夜堂飛漏白雲去
遠那堪值雁南歸後衾裯空餘蘭麝伴薰篝冷
落了竊香韓壽背燈獨守寒生兔窟露凝鴛鴦
餘文
荏苒年華還九九登臨怕惹無限愁儘開遍黃
花不上鈎

補陸天池無雙傳二十折後

吳郡天池陸先生者華亭遐胄茂苑名家珪

璋挺其惠心英華秀其清氣操翰餘暇游心
傳奇隱陸姓于平原之間藏采諱於白受之
下本無雙而作記借明珠以聯情摘詞哀怨
遠可方甌越之琵琶吐論嶒嶸近不讓章丘
之寶劍但始終事冗未免豐外而嗇中離合
情多不無詳此而略彼謹於二十後折更增
五百餘言重重誓盟之下雖了百世之宿緣
匆匆花燭之餘更罄兩年之心事庶東牀舊

婿猶憶前姻別館新姬未忘故主

〔生〕白小娘子憶昔畫閣逢迎屢承接引書
房邂逅重辱殷勤豈料王母會宴瑤池而
董雙成獨謫於塵世不意織女支機銀漢
而梁玉清竊奔於衙城歎綠窗之金剪在
昔空聞幸朱門之舞衣而今重見〔貼〕白深
漸薄劣自愧寒微宋禕氏吹笛人間竊慕
綠珠之弟子賈佩蘭圍棋竹下慚非戚姬
之侍兒內則固未盡閒敢怠巾櫛中饋不
能無缺權主蘋蘩〔生〕白小娘子你舉止羞
澁雖云大家婢難作夫人性格聰明堪憐
小女奴渾如男子青衣趨走乳名今已脫
夫了鬟錦帳綢繆鍾愛實有同乎結髮〔貼〕
白蒲柳之質雖荷高攀葑菲之微敢忘下
體豈以新人之寵遂遺故主之憐觸目驚

心感今
追昔

○刷子序 貼

追想錦堂別風波霎時驚散雙鴛記金谷繁華
空見芳草芊芊誰憐羅袖冷西郊遊輦鞦韆閉
東風庭院披香小殿鎖嬋娟繡窗重會是何年

虞美人犯 生

畫闌前曾相見黯澹秋波密地偷轉身材小綽
約飛僊風神朗徹翠翹雙墮宮粧淺今何處遠

隔天邊心牽在長門晝眠空羨溝水流紅怨枉
信那邊衣匿翠箋桃花面料雙蛾未展倚危樓
有書無雁倩誰傳

普天樂犯

貼

想掖庭多悽慘何日返前春燕笑寒鴉先占修
枝嗟孤鳳未獲高騫魂轉故國長畱戀幸喜新
知暫懽宴願鸞膠重續鴟絃明珠還自宛然更
雙雙百年偕老永團圓

針線箱犯

生

淚還滿紅蠟更藝絲已斷碧蠶成繭楚岫神僊
珮環遠空畱下侍姬作伴小娘子你多嬌倩願
雙翔霧烟效飛瓊引將王母下瑤天

餘文

携花燭解翠鈿俺這裏芳情繾綣莫負深宮宿
世緣

元宵燈詞

江東白
卷上
上元諸作南北多篇俱屬黃鍾再無別調春
城花月腐語連綿人際大明蕪詞稍疊茲獨
宮移南呂序舍畫眉使星橋火樹少換見聞
玉漏金吾重新喉吻雖不能登之樂府常侑
萬年之歡亦可以播之教坊聊博一時之笑

○好事近

蓬島聚羣僊玉殿珠簾齊捲長空雲淨冰輪瑩
然光滿雪消上苑正皇都處處春寒淺絳綃樓

宵幸彤芝丹鳳闕夜遊華輦

又

忽聞天上動傳宣一時放萬盞花燈通點三千
粉黛飛來笑聲清遠霓裳隊裏恣嬉遊盡道今
宵短羨鰲山閃電星球駭龍城揭天絳管

千秋歲

擁金鞭月白千門晝看整整飛騎空轉火樹銀
花火樹銀花只見那觸目紅蓮開遍魚龍戲樓

江東白芍
頭見彩雲內僊人出現一道祥光顯駕虹橋誰
上霄漢孤騫

又

笑嬋娟他不辨東西路急穰穰來去游衍羅綺
叢中羅綺叢中窺人露出芙蓉嬌面雙蛾映青
團扇鎖不住春心無限故折梅花撚把秋波半
瞥密意偷傳

越恁好

鳳城深處鳳城深處煖融融起瑞烟鬧童兒滿
街爭打塊旋還轉翠亭亭錦駟翠亭亭錦駟見
密叢叢火蛾兒簇着繡鞦韆骨瑟瑟鼓兒舞翩翩
鮑老兒挨着醉肩惟愁曉不望家浪逐香風軟
趁燈前鬧炒月下遊翫

又

謝娘庭院裏謝娘庭院裏錦重重啓玳筵畫欄
邊往來花作陣錦成團俏娟娟月底俏娟娟月

江東白芍
底見滴溜溜悄聲兒花前笑喧亂紛紛送迎兩
三三打哄兒不覺髻偏遺芳珥墮翠鈿處處香
塵輾對良宵佳景莫負懽宴

紅繡鞋

聽合城簫鼓喧闐喧闐看通宵士女蹁躑蹁躑
任銅壺下銀箭長春國不夜天總歸去更無眠

又

太平天子長年長年重熙國祚連綿連綿懽樂

聲遍畿甸山齊壽水同源如皓月永團圓

尾聲

春來此夜是新正半願歲歲年年放上元陽和
布暖看四海無波聖恩遠

○駐馬聽

登黃鶴樓有懷故園

獨倚危樓極目鄉關不斷愁試問天邊驛使雲
裏征鴻江上歸舟我故園原住在石橋頭來時
可帶得家書否詢問緣由誰知兵戈阻絕還依

舊

又寓居長沙客舍作

歲暮馳驅寂寞江城客寓居正值雁鴻秋後砧
杵寒初木葉風餘江東不見寄半行書關西更
欲向前山去倚劔躊躇平原門下今何處

又閨怨

虛度年華望斷歸舟不到家爲你秋捐紈扇春
鎖鞦韆夜冷琵琶東園還發舊時花垂楊不繫

當年馬一念何差痴心猶信着臨岐話

又同漁舟曉泊岳陽樓下作

浮世堪悲一日風波十二時休笑半竿修竹一
捻空鈎七尺青絲斜風細雨久無詩朝廷莫問
玄真子名姓狐疑江湖處處詢奚自

又寄遠

憶別春初一葉秋聲又報梧初認暫畱南越誰
知再調西秦不料更戍東胡霜風吹妾妾憂夫

寒衣破盡終宵補魂夢糊塗悠悠難覓遼陽路
雜詠效沈青門唾窗絨體

青門沈山人者錢塘菁英武林翹楚丹青冠
於海上詞翰遍於江南任俠氣滿跡類霸陵
將軍自傷情多家本秦川公子但峻志未就
每托跡於醉鄉逸氣不伸常游神於花陣聯
翩秀句傾翠館之梁塵旖旎芳詞動青樓之
扇影不揣蕪陋欲窺室堂乃效苧蘿之顰敢

學邯鄲之步庶金荃之句使復見於當年而
香奩之篇不獨稱於前代

○駐雲飛

春恨

寬褪羅衣香冷烟消怨別離粉脆胡蝶翅黃委
遊蜂腿痴朝暮盼佳期幾番憔悴雙袖依微都
是相思淚一半纔乾一半濕

又

幽會

昨夜陽臺珊枕橫欹繡帳開蝶戲花心敗鳳啄

江東白芍
櫻頭解垂檀口搵香腮柳腰輕擺鬢角梳斜花
墮雲屏外一半蓬鬆一半歪

又 邂逅

小小冤家拖逗得人來憔悴煞雅淡堪描畫舉
止多瀟灑咱曾記折梨花在茶蘼東架忙訊佳
期到答着閒中話一半囂人一半耍

又 奇遇

環珮無聲瞥見嫦娥花下影乍遇情不定笑把

身相倩卿樓住且消停君休急性未慣雲情怕
風橫花多病一半推辭一半領

又 邀請

和淚開緘又不歸來空再三蛾皺眉峰慘柳削
腰圍嵌耽在何處久停驂要人窺勘只得再寫
封書定把冤家賺一半增添一半減

又 寄遠 半裏真一半草

試染霜毫未展花箋淚自拋舊事縈懷抱新恨

還多少焦寫下兩三遭匆匆未了被去使連催
不暇多多道一半連真一半草

桂書字又

殘夢

懶一半曾忒一半成

山外雲橫彷彿巫陽路上行屈曲烟中磴依約
峰頭影鶯驀地兩三聲遊魂不定欲覺還迷軟
把紅兒倩一半昏沉一半醒

風韻字又

密約

半蘇猶一半醒

樹隔離簷只見萬朵晴雲擁玉蟾暗想佳期漸

驀見花陰閃潛促急下珠簾怕人瞧見假意拴
門故把房幃苦一半開時一半掩

白異字又

曉粧

粉資歸面圖入心

出落精神曉日臨窗迥不羣掠鬢蟬將襯拂黛
蛾爲準親就裏細評論似海棠標韻試折傷菱
花比並方纔信一半臙脂一半粉

又

沈醉

半支香一半成

綠暈紅嬌楊柳腰欹雲髻偏宴罷秋香院飲散

春芳館顛斜倚侍兒肩不禁驚戰被夫婿胡纏
撈定多畱戀一半支吾一半軟

詠蛺蝶

黃五存和宿秉惠心遊情妙染春日同俞仲
蔚丈縱步山麓得新蝶數十翅於芳草間黑
白異章大小殊質歸而圖之以供戲玩精如
刻畫勢若飛翻栩栩然雖莊叟亦忘其爲夢
也周若年氏愛而置之座間命題小詞夫窮

妍極態足舒寫物之情摘翰敷辭殊未盡物
之意因抽毫以應命豈弄文而好奇耶

○梁州序

郊原風暖園林春霽日午香薰蘭蕙翩翩綠草
尋芳競拂羅衣只見鞦韆初試紈扇新開驚得
雙飛起爲憐春色也任風吹飛過東家知爲誰
合花底約休折對奈悠揚春夢渾無際關塞路
總迢遞

又

差池羅幙徘徊宮髻撲着花兒斜綴金鬚輕展
芳心未露先知恰似偷香韓椽傅粉何郎慣作
司花吏畫橋風細也賣花回亂逐餘香過水西

前合

又

向蘭閨欲作良媒為經雨暫飛猶住况重簾隱
隱欲投無計枉自相隨油壁獨叩花房風勒還

空退殘紅零落也伴香泥浪撲金鞍送馬蹄前合

又

正東城雙宿雙飛又南浦離羣失隊歎花溪深
杳再逢何地應是狂隨香絮舞入梨花畢竟無
尋處乍來還去也是和非何日墻頭接翅歸前合

節節高

誰餘故館基野花迷漫尋珠翠投荒砌空畱滯
芳草淒蒼苔蔽蹠躑躅弱態今何處芳魂應逐秋

風去合半載分離不多時春來依舊重相會

又

輕盈漢殿姬素娥眉粉容旖旎春香膩迎風倚
着露歆經烟醉霓裳舞罷歸環珮紛紛盡入宮

墻內合前

餘文

深宮鎮日重門閉對簾櫳午漏漸稀榻得滕玉
畫品奇

初夏題情

改定陳大聲原作

思本幽深疑無定位調拘律呂自有恒裁苟
情詞之相鮮顧音聲之獨滯則前通後窒始
合終離善歌樊素空逞夫鶯喉解顧周郎有
同乎龍耳歌之不振豈無其由白下陳公南
都俠客凝情於可雪寄傲於黎雲寔聲苑之
通侯詞林之開士也但其精專北調脫略南
歌楚學齊言殊非本色婢作家婦終不似真

故於南呂諸篇偶定梁州一序因原詞而稍
易其字倣舊譜而略損其煩庶音騰於耳纍
纍如貫明月之珠而聲轉於喉玲玲如振茗
華之玉

○梁州序

西園暮景南軒初夏長日端居多暇樓頭楊柳
陰陰漸可藏鴉無奈關心杜宇惹恨鶻鷓占定
荼蘼架芭蕉分綠也上窗紗閒看兒童捉柳花

合珠箔捲金鈎挂怪無端一夜東風大花亂落
謾嗟呀

又

瑤臺寂靜畫闌幽雅一樹薔薇低壓鴛鴦兩兩
飛來暖傍晴沙爲甚金針閒却綵線丟開刺繡
都停罷舊巢新燕子語窗紗又見蛺蝶雙雙入

菜花

合前

又

枕痕橫臉玉生霞
簾烟微麝香消
鴨對銀箏無緒
雁行空駕幾度
閒尋舊譜
試學新聲
欲演還拋
下絲絲梅子雨
潤窗紗
無奈少女風前爛熳
花前合
對香奩朱粉慵搽
臨寶鏡青螺羞畫
病恹恹多半爲他
瀟灑堪笑鸚哥
解語鸚鵡能言
把薄倖提名罵
開遲紅藥滿映窗
紗爲甚送盡春風始

見花

前合

節節高

蓮舟戲女娃
露裙鞞蘭橈
水濺凌波襪
貪懽耍兩髻
叉雙鬟亞青青
荷葉無多大
折來莫把絲牽挂
合翠羽飛來綠葉叢
玉盤欹側瓊珠瀉

又

乘陰傍水涯
扇空遮玉纖
謾解鮫鮓帕
音書假辜負
咱多嬌
蛇婦期暗數
垂楊下而今不信傳

來話

前合

尾聲

芳時一任東風嫁對良辰歡情未洽難道經秋
不到家

寄王桂父

無翼而飛者聲也不根而固者情也聲由虛
發故隨地而馳情自實生每從恩而使非今
獨爾自古為然余性喜纏綿意偏感慨一承

他人之微盼即為我輩之所鍾而况以楚館
之神姬值秦臺之逸史心堅匪石契同若蘭
陟馬鞍而宵誓同效弟子之和南駕鷁首而
晨遊獨憐夷吾之敗北感投囊之盈袖悵寄
翰之連箱能無報惠之章遂著閒情之賦

○香遍滿

雲容月貌尋常淡粧難畫描出落風神年尚小
一團都是俏還憐情性調總然萬種嬌不易得

千金笑

懶畫眉

蘭房聲價一何高才調當年似薛濤因此上阮郎不憚路途迢迢爭奈他枇杷花下音書杳怎能發直至成都萬里橋

金索挂梧桐

匆匆歲月消寂寂音容悄曾記蘭舟避跡潛移棹春山暗裏遊怕相拋執手偎依厮纏着偷忙背語回身早側坐防人驀地瞧誰知覺至今猶認夢中遭今日呵又不是水遠山遙又不是魚沉雁杳爲甚麼無消耗

浣溪沙

你情自投我恩難報最堪憐兩地瀟條憑誰訴與娘行道我不似青樓名倖薄雖見許恐無憑話未真實只落得夢斷魂勞

劉潑帽

江東白帶
畫樓頻倚想雙蛾
悄對簾櫳
淒楚無聊
瑤琴謾寫相思
調音韻
喬彈出兒孤鳳操

秋夜月

初夏交記那日人曾到
蠅頭小字親相召
誰知病滯文園老
空回帖草草
枉歸程渺渺

東歐令

難消受印心苗
未必空亡坐
本爻紅鸞幾日輪
佳造必定有花星
照那時節呵
華燈燁燁影搖

搖偷卸翠雲翹

金蓮子

鸞鳳交恩情美滿
同懽樂這一段姻緣兒怎拋
恰正是遇雲英一雙雙
僊子渡藍橋

尾聲

共引入蓬萊島
僊源此去路非遙
洞口雙吹碧玉簫

白苧卷上

江東白苧卷下

秋日登澱水驛樓感舊作

余幼有遊癖每一興思則奮然高舉癸丑之
歲南遊永嘉道經蘭溪徘徊江岸凌麗樵之
孤聳見塞羽之長征川原迢遞舊會難同雲
樹周遭故園不見情來引泣事往會悲因動
仲宣之懷敢擬登樓之什

○畫眉序

江東自序
金風動南國撫景悲秋感疇昔笑年華荏苒似
梭輕擲光陰記昨日明朝懽會想去年今夕合
倚樓無限關心事都付數聲長笛

又

銀瓶曉空汲金井沈沈斷千尺盼秦臺縹緲暮
雲遮隔追前恨別雁新聲傳往信離鸞殘翼前合

又

花陰訪踪跡苔徑畱痕未收拾想環珮何處畫

圖空憶宮腰細帶眼驚鬆香袖冷淚花愁積前合

又

華堂屢經歷咫尺簾櫳限南北翠雲緘封就欲
投無隙羨當時一霎能逢恨今日萬方難覓前合

滴溜子

又不是從前兩人未識更非關別後兩情不一
爲甚不知箇虛實教人倩著誰問端的未必他
心頓忘往日

鮑老催

追思艷質紅榴繡帶餘麝液烏絲小箋畱翰墨
恨彩鳳單錦鴛孤文鸞隻伯勞東去無儔匹海
燕西飛絕伴侶塞鴻北度沈消息

滴滴金

花開錦樹芳香襲零落辭枝悔何及東風橫烈
春無主將並蒂分連枝劈今生未必雖然一年
花事畢難道明春蜂釀房無蜜

鮑老催

江南倦客圖書積來空四壁扁舟遊處經數驛
奈一字無兩年別五侯宅孤雲天際征鴻急斜
陽江上烟波疾怎對却西風立

雙聲子

昏鴉集昏鴉集白露下丹楓濕寒虫唧寒虫唧
青霜冷黃花泣書未得書未得歲已逼歲已逼
似落花飛絮暮秋寒食

尾聲

花間有日門兒闌月暗房櫳歸處黑把受過淒涼坐相悉

過湘江弔屈大夫

余仲蔚云伯龍素有奇分千里之遊如在足下明日告我泛鄂渚過洞庭訪懷襄於高唐弔屈宋於澧浦以爲異於古之左遷豈不快哉雖然楚人多哀值此秋晏君其奈何君歸

必挾勝語以廣我異聞坐我叢蘭芳杜間也因感斯言乃有是作

○小桃紅

星沙舊國羅水空江極目多風浪也爲弔孤忠魄迢遞下瀟湘携桂酒奠椒漿試問放何時黜何方魚腹是何年葬也歲久沉淪徒想像看烟水微茫玉殿鎖荒涼

下山虎

江籬漠漠山樹蒼蒼廟闕精靈肅殘碑半疊砌
傍神何在月冷蘭橈香消葯房應是魂兮歸故
鄉珮環時來往雲慘江昏徒倚望遺範空追想
落月屋梁贏得年年薦客觴

蠻牌令

江燕語集危檣神鴉舞送征航千載遊魂招不
返只落得淚滂徨况淒淒鵲啼廟口更青青竹
映船窻挹清風山高水長碌碌浮生甚媿行藏

尾聲

孤臣自分波心喪襄王何事夢中怵至今遺笑
雲雨高唐

擬漢宮春怨

宮詞之作其來已森與時高下具體紛紜援
雅琴而變調方無愧於長門之篇顧女史以
問詩始有得於自悼之意沿及南國降自唐
家香詞滿案無非怨望之音秀翰盈箋盡是

嬉游之句淚痕不學君恩斷悵快何淡不是
思君是恨君含冤尤甚而且密奏入月仲初
已墮於誨淫近覓祗承禹玉實淪乎導欲是
皆哀過乎中樂失其正者也况唐人調短急
促難歌漢氏篇長蔓延無節何以被之絃管
協之宮商因檢彤管之編偶閱掖庭之籍歲
華虛度永巷幽深氣候不齊阿房寥廓感女
弟之進始焉寵冠乎椒風悵宮人之斜終則

魂遊乎薤露於是聲從新調詞按舊宮哀不
及怨以寫曠女之至情樂不逾淫以述空閨
之微意雖未能盡合夫風人之旨有不足以
少見夫愛君之情也耶

○二郎神

銅壺轉奉箕箒又平明金殿記少小披香曾侍
宴鸞輿別後椒房寂寞多年只見風送西宮歌
吹遠歎命薄承恩何淺恨無緣總黃金求賦文

江東白帶
章更有誰憐

花磚飛英亂疊湘簾高捲奈春鎖重重淡小院
怕鞋侵荒蘚瑤階欲下還旋何日得碾破蒼苔
畱玉輦媿隨例雖朝空見恨無緣總黃金求畫
丹青竟有誰憐

又
嘯林鶯

思家何處魂夢懸淹淹弱息難延九十日春光

愁過半病膏肓旦夕牽纏腰肢瘦軟宮醫有倩
誰呼喚淚綿綿書封戰襖投向阿誰邊

又

閒宵欲賦紈扇篇奈秋風篋笥空捐月過房櫳
刺繡倦這淡宮夜午誰誼怪金鈴小犬吠花影
隔簾空轉淚綿綿詩題紅葉流向阿誰邊

錦衣公子

錦瑟倦調絃對春風哭杜鵑開簾羞覩雙雙燕

他那裏歌臺夜喧我這裏舞袖晝眠緣何一宮
之內溫涼變會何年鼎湖龍去除是共登僊

又

粉黛浪三千念當初寵最先爲甚十年不識君
王面非君故偏似妾故專而今懊悔却又難重
見會何年翠華雲暗除是共陵園

琥珀猫兒墜

烟橫閣道日落斷傳宣銀鑰隨收金鎖穿花房

夜搗守宮鮮天天又早是門掩黃昏銀燭空燃

又

君恩浩蕩不是誤嬋娟自恨孤身多命蹇今生
已矣還結後生緣天天又早是月落烏啼銀漏
空傳

尾聲

傷心過處還消遣自甘受一生微賤聖主從教
億萬年

秋懷

寂然凝慮思接千年悄焉動容視通萬里蓋
時代雖寥流風猶在山川徒阻妙象可求是
以遊神所至則上古並於當今極目所窮則
遐方亦爲近地而况期不越月邇可連橋青
鸞西下無俟於經秋宋玉東邊纔堪乎步武
愛同昆季情逾友生共約簾前並遊花下旣
無投梭之拒兼承解珮之勤能不神走桂堂

精馳粧閣一等人睡卽投夢中略俟花開遂
來鏡裏又何必追蹤往昔方挹其清芬遍跡
荒陬始接其逸韻耶但唇鋒舌劔一沮於臧
倉而雨陣風旗再摧於沙利時更勢變物換
人移此去故就新騷人之所愴愴愴憤恨而
秋風春艸江生之所以吞聲飲恨也

○二郎神

相逢久笑春來尚分飛依舊記軟弱身兒年紀

幼重簾不捲蕭條獨坐危樓爲甚麼慊慊如病
酒空恩愛未曾消受莫淹畱更不念匆匆歲月
如流

鶯啼序

錦堂風月今又秋參辰還自卯酉定非關途路
悠修不干魚雁差謬奈花營唇鎗戰爭更錦陣
心兵輻輳無共有只落得浪傳人口

簇林鶯

空挑鬪難斷頭爲高唐雲未收朝朝暮暮在陽
臺右情深怎休恩深怎丟因此上明知未偶還
拖逗夢悠悠三星天外空戴月如鉤

啄木兒

曾畱戀幾浪游秋水春山常聚首記花陰清晝
携琴想燈前午夜藏闌更憶他修書漫捲羅衫
袖高歌半解香喉扣訂約偷回扇底眸

滴溜子

江東自序
卷下
天台渡天台渡桃花水流章臺路章臺路柳條
報秋誰道落人機穀崑崙是何處奴施妙手把
往日恩情一旦盡勾
水紅花犯
正值陽回九九被何人苦逗遛奈阻隔去無由
冷颼颼卿卿知否多應獨倚小窻幽東難投重
門誰扣四五年光陰虛度三兩行淚空流淒淒
切切帶人愁也囉

尾聲

景淒涼人倥傯相思業債幾時休直待要海燥
江枯方罷鉤

○山坡羊

代謝少蘊寄江陵遊客

亂紛紛簾櫳風絮慢騰騰紗窗香炷重疊疊江
東暮雲密匝匝渭北春天樹途路紆衡湘絕雁
魚巫陽夢遠夢遠魂千里獨倚危樓故人何處
嗟吁目斷關河一紙書淒其况復東風花落餘

又代葛雲卿寄蒼雪主人

靜陰陰夕陽初下冷蕭蕭重簾高挂暗昏昏殘
燈半明疎刺刺幾陣西風大淚似麻方知一念
差傷心最苦最苦簷前馬門掩清秋更無些話
嗟呀何事當初悞信他冤家着甚來由辜負咱

又代王幼玉寄東海王生

記匆匆霎時成就喜孜孜連宵拖逗怨迢迢經
年別離悶懨懨鎮日閒窮究自浪遊恩情一旦

休河橋記得記得頻回首望眼盈盈淚沾羅袖
難畱恨殺西風下水舟離愁流到揚州古渡頭

又代劉季招寄申椒居士

病淹淹難醫療的模樣軟怯怯難存坐的形狀
急煎煎難擺劃的寸腸虛飄飄難按納的情和
况空自忙全然沒主張盟山誓海誓海都成謊
輾轉書來更無的當淒涼為甚更長似歲長蕭
郎莫認他鄉是故鄉

擬出塞

天限華夷人分蕃漢種族固異風氣亦殊故
自廣漠以南長城而北禽心獸性不入人羣
弓準戟髯難通法相而且地饒兵革代多戰
爭遊魄漫空陰燐遍野受降城上無非墮淚
之笳破納沙頭盡是銷魂之角水不涅而自
黑雲非繪而長黃三春落葉難尋四時之花
萬里飛沙不見一坯之土肇自漢室迄於唐

廷御乏嘉謀守無善策遣近貴以通好羈絡
英雄驅宗女以和親摧殘窈窕節旄徒駐白
盡海上之頭環珮空歸青遍塚邊之艸捫心
痛矣撫劒淒然余也智乏孫吳才慚頗牧然
逸氣每凌乎六郡而俠聲常播於五陵魯連
子之羽可以一飛陳相國之奇或能六出假
以樊侯十萬之師佐之李卿五千之衆則橫
行雞塞當雙飲左右賢王之頭而直上狼居

必兩繫南北單于之頸

○念奴嬌序

龍荒萬里正風高紫塞迢遙千古長城落日寒
原凝望處茫茫極北雲平連亘白狄臨關黃河
夾地胡兒千隊此馳騁合還自許終軍早歲獨
請長纓

又

堪哽陰燐耿耿見白骨滿野烏鳶螻蟻相慶萬

壘驚沙探騎急黑夜移營傳令還逞苜蓿初肥
葡萄新熟貂裘十萬盡精英前合

又

愁聽破納沙頭受降城上斷鴻殘角聽邊聲烽
埃直烽埃直見月下歸來殘兵飛警雪迸金笳
雲崩鐵騎初連黠虜正憑陵前合

又

冥冥殺氣侵雲獵聲沉塞新來降騎說蕃情麟

江東白詩
閣迥麟閣迥莫負三尺青萍休驚北接沙居西
通疎勒班超原是一書生前合

古輪臺

雁南征西風吹急不堪聞胡天嘹唳空相應音
書難倩况萬里臙腥更誰訪紅顏薄命有西遣
烏孫一生孤另有荒墳烟鎖草青青霜迷月冷
有崎嶇北汙胡塵哀笳倚拍家山何處淒涼風
景千載恨難平關河永遊魂無侶伴孤影

又

閒評曾有擒虜王庭還又有殺敵居胥戰無不
勝竹帛丹青細屈指依稀名姓有年少封侯奇
功難並也有垂老轅門竟無成數奇不幸有白
頭北海飄零淹畱朔地食糞嚼雪旌旄落盡成
敗古難憑但願輸忠蓋君不聞男子重橫行

尾聲

天王借十萬兵會看取單于繫頸直待要踏破

燕然再勒銘

題居士貞畫金陵王儒卿賽玉卷

鳳姿梟性不異凡禽艾質蘭心終同常卉故
驪姬徒艷羞稱其頤之碩人無鹽雖賢難並
窈窕之淑女畱都王氏南國名姝玉映而清
心惠中而秀外謝階之樹再植江東陳庭之
花復生白下由是聲騰戚里轍遍章臺稱卿
不足而重之以儒比玉未敷而加之曰賽吳

門風偃茂苑雲翻沈元異倡以瑤華之篇居
士貞繼之丹青之作事因文重但恨未可播
于謳歌人以畫宣猶恐不能通之絃管以余
頗解一訛之顧素諳三變之詞雖媿無文難
辭不敏極情擬議或可少增蘊石之光盡力
形容未知能益連城之價

○步步嬌

目斷秦樓吹簫侶溫潤還如許連城價有餘遙

江東白亭
想風姿似洞林琪樹素質定如何笑裴航空覓
藍橋杵

江兒水

曾記梁園遇合浦歸謝家庭下空延竚似幾點
輕盈垂楊絮一枝寂寞梨花雨二十四橋何處
教徹鸞簫縹緲向月中歸去

園林好

初疑是在藍田故居又道是在荆山舊墟更想

像在崑崙深處誰知生碧府長清都生碧府長
清都

川撥棹

瑤臺路見飛瓊下紫虛水晶簾隱約冰膚水晶
簾隱約冰膚雲母屏依稀畫圖環珮聲疑有無
環珮聲疑有無

五供養

酥胸皓齒更有冰心一片誰知堅貞還軟弱光

江東白亭
卷下
瑩又芬敷春織塵尾試掩映一般無二琅玕開
竹圃秋水出美蕖不讓陳宮後庭花樹

僥僥令

梅英春綻後蕙艸雪消初只見歌斷泠泠山泉
溜舞罷也亭亭海鶴孤

尾聲

書中有女應無數但不似舊家秋娘如故須待
他年善價沽

擬金陵懷古

登高望遠感慨由生卑古崇今篇章斯起故
麋鹿走長洲之苑烈士興懷鷓鴣飛越王之
臺詞人發咏秋風渭水悲二世之有都衰柳
咸陽歎五陵之無樹承露金僊未歸洛下望
陵銅雀先辭鄴中珠簾一閉朝元閣笑梁間
燕子空歸錦帆應自到天涯問柳外寒鴉何
在金陵佳麗江左繁華但數千年後得生聖

江東白
卷下
人方應東南天子之氣自二百載前未歸真
主不過奸雄僭竊之徒追想風物六朝之餘
更值江山九秋之後感空城之麥秀傷故國
之黍離因擬懷古之作陋爾偏安實寓尊王
之詞欣茲一統

○夜行船

萬里濤回看泊泊不斷古今流水千年恨都化
英雄血淚徒倚故國秋餘遠樹雲中歸舟天際
山勢還依舊枕寒流閱盡幾多興廢

又

閒推江左豪華羨當年公瑾小喬雙美高臺上
銅雀暮雲空閉驅馳五馬南來風景不殊江山
獨異流涕曾戮力復神州終作楚囚相對

鬪黑麻

烏衣王謝堂虛見雙雙飛入尋常宅裏歎新洲
蘆荻寄奴曾住休追宮梅點點窺金蓮步步隨

江東白帶
世應非只見潮打寒城寂寞夜深空退

又

淒其商女歌闌奈烟籠寒水月籠沙嘴問臨春
飛閣麗人何處誰題亭亭玉樹枝團團璧月詞
樹降旗愁殺鐵鎖千尋一夜盡沉江底

錦衣香

射雉場迷行騎白鷺洲餘雲樹堪笑蕙帳秋風
猿啼鶴唳令人猶誦北山移詞臣不見尋得清

溪想華陽深處望山中白雲來去莫把長條繫
風流張緒而今憔悴不似靈和殿裏

漿水令

石頭城蕭蕭舊壘景陽宮依依故墟臺城畱得
亂鶯啼松楸遠近禾黍高低東山妓今已矣鐘
聲何處南朝寺桃葉渡桃葉渡淒涼烟水長干
路長干路剩殘碑

尾聲

江東白亭
卷下
奸雄竊據俱塵世誰信雲龍崛起方見崔嵬萬
載宏基

○玉抱肚

長沙江上作

深秋堪賦遍荒原迷雲斷蕪帶江東白苧輕衫
渡湘中青艸重湖長沙南去更蕭疎方信衡陽
雁字無

又

過湘江

長途秋盡阻西風停橈遠津聽泠泠寶瑟還傳

看班班修竹猶存不知何處吊湘君水盡南天
不見雲

又

歲暮登江陵庾信樓作

江關羈旅似當年庾公寄居總然受梁園詞賦
相知更不念吳門烽火何如天涯不見一行書
況復明朝是歲除

又

江陵燈夕筵上畱別諸公歸蘇州

滿堂喧哄向隅人離情自濃愧今宵同效傳柑

江東白李
卷下
歎明朝獨轉飛蓬渚宮東去艸連空細雨瀟瀟
古驛中

又 荆州江上別歸舟作

孤身猶寄對歸舟不勝慘悽看片帆高挂西風
恨不隨大江東去故園烽火近何如爲報家人
數寄書

又 毘陵送洪洲龔副使赴鄖陽

故人千里遠迢迢重來未期想三秋海上遨遊

荷一時幕下相知金陵驛路楚雲西艸色青青
送馬蹄

又 代閨人問邊使

衷情冗冗要分明奈雲山萬重訊春魚說在關
西接秋鴻又道在遼東中間差錯字朦朧爲問
昨日來書是第幾封

又 代邊戍寄家人

欲修家信說邊情誰不斷魂枕彫戈雪臥龍堆

江東自序
卷下
捲紅旗夜渡狐冰閨中只是暗傷神不見沙場
愁殺人

又 囑雁

花箋一紙畧寒暄單題小詩趁天邊一夜西風
倩孤鴻寄與他知而今不似洛陽時瘦得腰肢
是柳絲

又 囑魚

魚兒生受傍江來畧說個意由你趁春潮切莫

稽遲好畱心不宜差謬郎今移住在剡溪頭直
至門前溪水流

又 代田瓊英畱別

一場恩愛沒來由你道是誰打開是舟師欲趁
歸潮促登程半餉難挨畱君不住淚盈腮安得
江東風雨來

又 懷江陵舊遊

當年王粲記樓頭曾畱羽翰宴蓮宮憶閃爍春

江東白帶
燈叩紅房想歷亂雲鬟而今西望路漫漫斜日
江頭千萬山

又 吳宮詞

雙雙蘭漿採蓮歸重催晚粧看西施舞罷纖腰
半含嬌笑倚東牀芙蓉帳小更添香楊柳風多
水殿涼

又 銅雀臺懷古

雀臺高峻看西陵重重暮雲歎一時霸業何雄

笑千秋荒址猶存只今凝望已銷魂況復當時
歌舞人

又 春郊邂逅

爲貪閒要向西郊常尋歲華霎時間遇着個喬
才想今年命合桃花邀郎同上七香車遙指紅
樓是妾家

又 送屯田員外周胤昌左遷武岡

陽關休唱望南雲不須感傷看九疑竹樹還青

更三湘蘭芷猶香雁飛直欲到衡陽你莫厭迢
遙一水長

又代江頭畱別

行期無定爲出門陰晴未經看重重江上濤翻
更層層海外雲生郎今欲渡且消停如此風波
不可行

又憶梧桐館

無情獨我沒來由負却了他將舊情一旦荒涼

把佳期常自蹉跎匆匆歲月坐消磨鴻雁不來
風雨多

又得杜三堂南都寄來書

故人別去兩三年沉淪雁魚喜而今聲振畱都
比當年逸興何如春來始得秣陵書聞傍清溪
江令居

又聞春至有感

年華夢裏臥文園匆匆未知歎紅顏日日霜凋

江東白苧 卷下
奈芳郊歲歲春回東風昨夜到隋堤楊柳千條
盡向西

江東白苧

長樂郡
馬壽生

續江東白苧卷上

仇池外史梁辰魚

長樂郡
馬壽生

南呂 宜春令

辛酉季秋代沈太
玄贈金陵楊季真

貂裘染洛下塵笑浮名棲遲此身秣陵秋盡雲
衢有路無鴻引奈江頭一夜西風都吹上半生
愁鬢堪憐韶華荏苒百年一瞬

太師引

算前程畢竟全無准羨鵬搏何年化鯤怎消得

江東白帶
重門青晝况值着孤館黃昏生平意氣休相哂
聊寄跡錦營花陣平康路車蹄馬輪從今後向
陽臺覓暮雨朝雲

瑣窗寒

遍青樓尋訪殷勤邂逅當年第一人見風儀俊
朗性格溫醇趨承濟楚衣衫淹潤淡梳粧不施
脂粉可憎青團半掩啓朱唇頓然一座生春

三段子

問伊近庚是楊家初年長成問伊小名是楊家
當年大真疑是霓裳隊中金蓮襯沉香亭畔春
醒醒寂寞闌干梨花風韻

東甌令

我烟霞相不同羣好惡相傾越與秦誰知窈窕
還相信議論多奇俊笑悠悠世路總浮塵青眼
更何人

三換頭

須不是他家行徑似假疑真
恩情難具陳未經旬別離兩字當心撐
杯易傾情難盡春明門外程途亘疎林處處斜
陽映只恐分離在須臾片時人遠天涯近

三學士

都城南出霜風緊黯然欲別銷魂君如想妾還
愁妾妾若忘君是負君歲月蕭條難過遣書和

信莫厭頻

大迓鼓

離亭酒一樽青衫溼處盡是啼痕瀟瀟匹馬投
荒徑嘹嘹征雁渡孤村雜沓長途淒涼暮雲

撲燈蛾

時開一紙書每玩雙鉗印追想那多嬌不覺迷
畱沒亂也看腰圍瘦沈願年年芳草帶王孫鏡
臺前逗畱京尹眉重暈紗窗着意再溫存

尾聲

春風再入淮南郡看行行一騎到都門肯做青樓薄倖人

中呂 好事近 壬戌季春代朱長孺贈金陵呂小喬

書寄秣陵賒奈樓前雲水重疊落花飛絮那堪暮春時節淒切夜雨曉風臺榭空梁燕雀遣伊來傳說道佳期休虛度也絮叨叨恰如窗下分別

榴花泣

追思當日別館酒初設逢迎處繡簾揭匆匆禮數甚周折看趨承舉止羞怯腰圍一捻似縈欄弱柳絲牽惹鬪纖軀掠水蜻蜓試輕衣逗風蝴蝶

錦纏道

玳筵列滿華堂會當年俊傑初相見甚干陟料姻緣前生未定難道就和叶怎知伊多情好姐

江東白帶
姐含情處眼波雙借翠帶兩偷結佳期密邇相
將不暫撇宴罷催歸去笑踟躕同上七香車

千秋歲

那冤業只道難消受誰知道早便寧貼公瑾當
年公瑾當年渾如綴着喬家枝葉春衣褪雲鬟
卸相偎處身兒起故把羅幃扯怕花燈斜照回
過桃頰

普天樂

向蒼穹把盟香藝負心的天難赦繡囊中雙貯
烏雲羅衫上對粘青血從今記者這恩情忍教
中道輕絕

鮑老催

龍城鳳闕青樓雖是多懽悅銀蟾長恨空圓缺
奈山鬱盤水潺湲雲明滅臆懸玉筋啼應裂胎
含荳蔻春方淺心摧鐵馬秋爭掣

古輪臺

記初別疎林處處下黃葉那堪逆旅西風夜孤
村茅舍况枕塊衾鐵酒醒處依倚蘭麝敗壁虫
吟破幃燈射夢魂中猶記語些些道我音書頻
寫雁南來早寄回帖休長恁雨散雲收水消瓦
解水流花謝莫遣坐銷歇恩難捨還期同宴錦
堂月

尾聲

遇良辰逢佳節管領着歌臺舞榭日日春風醉

狹斜

雙調

步步嬌

丙寅初夏爲廬陵尹教甫贈
金陵蔣蘭玉小字綺霞作

小曲幽坊重門啓簾幙濃雲裏燈前乍見時旋
束腰圍高盤雲髻淡淡遠山眉雙眸細剪如秋
水

孝南歌

芙蓉面冰雪肌生身蔣山年未笄孃孃十三餘
梅花半含蕊似開還閉初見簾邊羞澁還畱住

再遇樓頭款接多
懽喜行也宜立也宜坐又宜
偎傍更相宜

香柳娘

笑書生路迷笑書生路迷
驀投花底霎時便拜
兄和妹比蘭玉未奇
比蘭玉未奇却憶謝玄暉
餘霞散成綺擬卿卿
此詞擬卿卿此詞做小名
兒贈伊切須牢記

園林好

歌喉振浮雲敢馳箏絃
動流鶯敢啼看縹緲畫
梁塵起紅袖底雁行低
纖指下鳳凰飛

江兒水

窗掩樓兒上繡帳垂似
桃花浪裏鴛鴦對偷香
蛺蝶花房綴迎風楊柳
雕欄倚不是多情牽繫
愛他俊俏身兒更性格
偏投人意

倖倖令

不勞三月雁誰怕午時
雞豈止暇日逢場聊作

戲拚夜夜夢巫山雲雨歸

尾聲

撰成一折青樓記羨才子佳人雙美畱取當年
作話提

南呂

懶畫眉

改定武林沈青門作

小名兒牽挂在心頭總欲丟時怎便丟渾如吞
却線和鈎不疼不痛常拖逗只落得一縷相思
萬縷愁

不是路

無了無休鎮日縈牽不自由難窮究只因幾度
送雙眸謾追求假若他不應花前口為甚麼還
將熱話兜休相誘有心待共鬆羅扣不如早些
成就早些成就

中呂

皂角兒

任勾差隨時應酬趁埋冤總然承受不爭差性
命心肝好一似爹娘骨肉又可曾氣兒呵情兒

江東白帶
續
拘話兒嘲龐兒訕一些相鬪隨衙聽候朝來算
休但得個尤雲帶雨勝是封侯

尾聲

憑將風月都投首不信冤家不轉頭終有日飛
上紅香燕子樓

雙調

步步嬌

癸亥秋夜同雲房胥
姬坐雨西窗感舊作

半夜蕭疎芭蕉雨葉葉西風裏相將夢覺時一
枕華胥十年心事細數兩欸戲柔情不斷如春

水

忒忒令

論孟浪是生平的大都說薄倖是少年時活路
野花閒草幾曾經回顧迷魂陣久荒蕪迷魂陣
久荒蕪又誰知命運遭惹閒情萬縷

沉醉東風

記當時曾通素書到年來數傳清譽奈深戶映
花關深戶映花關天涯爾汝空奔走東西隣媪

河橋故居山城小溪依稀記得風簾露出繡襦
好姐姐
沉淪數載有餘更沒處問消尋息他生未卜此
生應見稀甘拋棄靈禽久被樊籠繫誰料秋來
放雪衣

園林好

病相如在文園著書曠文君正臨邛寡居還沒
有遞春心綠綺險增出酒家壚險增出酒家壚

江兒水

瞥見深深巷款款扉緣何欲避還凝竚初疑施
氏西村女原來宋玉東隣妹雅淡裙衫白苧小
立迎風注目似曾相識

五供養

方知是你這段姻緣會合真奇遂憑冰上語竟
赴月中期看他衷情幾許遍訴出半生憔悴道
幽花經雨感皓月被雲迷受盡淒涼萬般滋味

玉交枝

今朝得遇感娘行素心不移
渾如枯樹生連理
分明得水遊魚因思往事多
淚垂從今相守君
須記對西庚明星見知仗東君
鶯花有主

川撥掉

會真詩雙文句楚臺風巫峽
雨笑兒曹既不
相知笑兒曹既不
相知枉奔波磨穿襪兒弄機關
你好痴破姻親却怎的

香柳娘

我而今共伊我而今共伊花前
月底願年年同
伴春光住總閒言有些總閒言
有些任他們自
傾歎和你甘心且包蔽算人生
有幾算人生有
幾休攢兩眉試看傀儡

尾聲

綠窗人靜風兒細追想當年
難遇可負韶光十
二時

中呂 瓦盆兒

已巳立秋夜雨悼
亡姬胥雲房作

虛堂坐雨西風蕭瑟起林臯聽落葉小窗敲怎
禁他雲房獨掩夜寥寥空贏得淚痕濃黯淡了
鮫綃誰憐我破題兒新秋第一宵你何處絕無
消耗想那裏郵亭稀雁魚少書難到愁詠楚些
魂斷倩誰招

榴花泣

簾櫳深處常獨伴那多嬌今只剩影瀟瀟只見

粧臺塵鎖翠鈿拋羅衣帶結猶繫紫絲絛記恩
多怨少七年心難對傷人道謾追他舊日風儀
祇憐伊病來容貌

喜漁燈

幾回欲覓巫山廟恐飛夢杳陽臺下空雨暮雲
朝雖則是遇伊遇伊又被雞驚覺鴛衾冷轉覺
無聊烟消風花露草好添香寒灰怎燒

尾聲

蓬山隔雲路遙何日閉吹月下簫腸斷東風第

五橋

中呂入 雙調 庚午孟夏望夕遇虞山月容張一兒於虎丘殿堦作

芳容並月皎潔如明鏡飛來碧海常在清墟境
欲問嬋娟未通名姓誰想上方深處一闌花影
相逢彼此無限情疑排廣寒肩嫦娥下紫清林
際風生天畔雲停娥歌一聲飛露冷

夜雨打梧桐

身材小性格靈驀地裏乍逢迎眼波橫况復香
肩偷凭促急寒温難敘細語惺惺依稀似聞花
外鶯奈匆匆頓別頓別一天風景鷄聲五更月
落可中庭頃刻人何處鐘開春殿燈

雙調 二犯江兒水 贈石城美人

風流聰俊看姐姐風流聰俊皇都真妙品羨身
兒窄小性子温純不搽朱不傅粉生怕到黃昏
生怕到黃昏移燈便掩門要結姻親須敘寒温

莫淹畱不上緊願姐姐將懽歛
嗔願姐姐將懽
嗔歛做好事霎時從順那裏見
做猫兒的不喫
葷

雙調

孝南歌

庚午初秋悼
亡改定舊曲

情難盡念怎忘西風蕭瑟起
洞房明月照空廊
梧桐清影涼人孤夜長
鞋拆金蓮鏡破菱花樣
香冷萸囊被捲芙蓉帳
掩綺窗倚繡牀
思憶雪
衣娘在何方

商調

黃鶯兒

題幽
蘭

芳館坐黃昏對幽蘭欲斷魂
微風逗處香成陣
丹心露凝青苞淚勻曲欄幽砌
常親近影紛紛
輕盈舞罷姑射是前身

簇玉林

疎簾挂半掩門向西窗月一痕
牽衣翠帶多風
韻最堪憐潘郎相伴俱清潤
挹清芬深居空谷
絕代有佳人

南呂 紅納襖 改定金陵金白嶼蕭爽齋集寄情之作

鞞香肩鬆臂金削纖腰寬帶錦這些時嬾把生
綃理針絀羞將寶鴨添水沉自別來還至今幾
曾時放下心不能勾一霎徘徊兩意綢繆也只
落得夜孤眠伴繡衾

五更轉

冷鳳幃虛鴛枕對金尊誰共斟淒涼此際難消
任誰料冤家薄情特恁到今來猶記得花前飲

閒窗寂靜空顛窅彷彿逢君梅花月蔭

浣溪沙

他負心真忒甚枉教人肺腑簽針金錢不准年
來讖錦瑟空閒月下吟身凜凜不由人不迷魂
沒合煞空勞勞吊膽提心

東歐令

心中印口中噲到向那陽臺曉夢尋清宵淚滴
衫兒衽桃花冷胭脂沁畫闌月轉粉墻陰無奈

漏沉沉

大迓鼓

逢人覓信音奈衡陽雁杳湘浦魚沉傷秋漫把
閒愁禁怎當他夕陽歸鳥下疎林撇却懽娛番
成病侵

節節高

秋來意更深漫思尋音書欲寫還嘶噤空追審
不見臨因些甚兔毫血蘸尖兒浸鸞牋墨洒行

兒淋一緘離思逐雲飛遍身香汗和衣滲

金蓮子

倩塞禽多情定見機中錦料應是長吟還短吟
爲甚的惡姻緣更重重遠水又遙岑

尾聲

算來人世多讒譖大都常是負初心誰似我海
樣相思直到今

正宮

破齊陣

辛未五月咏
時序悼亡作

江東白芍
帳掩香消人去房空珮冷魂歸桃李春風梧桐
秋雨又是經年隔歲忽憶綢繆生前語夢見依
稀覺後疑人間長別離

刷子序

端午

蒲酒啓瑤席雕梁燕兒依舊雙棲奈物是人非
一旦雲鎖空閨堪悲香艾裊鬟釵已委蘭湯膩
臂絲曾繫夜涼倚醉小窗西半簾殘月曉鶯啼

普天樂

七夕

鵲橋橫雙星會玉露潤金風細羨誰家乞巧樓
頭笑聲喧玉倚香偎恨獨拆鴛鴦對目斷盈盈
銀河水妬半郎織女夫妻任天長團團到底笑
人間爲何途路便拋離

尾犯序

中秋

長空一鏡輝萬里全無一點纖翳此夜當年記
雙凭玉肌徙倚空追念香鬟霧鎖空追念弓鞋
露綴嫦娥寡蟾宮獨守天遠信音稀

錦纏道 九日

雁來期正秋風寒雲亂飛把酒對斜暉問芳卿
爲甚的便蕙損蘭摧想蕭關黃葉盡起念漢殿
紫萸誰佩歲月轉淒其衾餘枕剩初寒未授衣
辜負登高節對黃花羞插滿頭歸

傾盃序 長至

時移日漸長轉候灰又節值書雲歲捱幾度寒
砧幾聲殘角幾個孤鴻別館的滋味慘年華過

眼暑來寒往一生無幾線空添要見伊還共日
俱遲

玉芙蓉 除夕

空傾栢葉杯枉泛椒花盞總迎新愁看斗柄春
回誰憐今歲今宵盡又早明年明日催消長夜
撥寒鑪死灰這傷心只有歲寒知

小桃紅

一作山桃犯非越
調小桃紅也元宵

燈影下人藜裏火蛾轉笙歌沸家家盡簇神僊

江東白芍
隊花容誰似娘行比歸來空倚書幃立寒窗底
獨展畫裏崔徽

摧拍上巳

記袞除流觴水湄記游衍踏青翠堤記郊原路
迷記郊原路迷挈榼提壺處處徘徊香輦雕鞍
步步追隨今安在海角天涯魂欲斷日平西

一撮棹清明

人何處墓上草新齊悲風起棠梨上紙錢飛孤

墳小殘月冷走狐狸青衫淚盡似杜鵑啼痛殺
青松底又添一新鬼天地永日久想魂兮

仙呂月兒高辛未八月初四日紅橋庄居作

月冷青松殿秋開廢宮苑偃息長林下滿壁生
蒼蘚瘦比黃花猶憶那人面西窗亂葉清霜剪
宋玉悲深淒涼紈扇天絃斷已三年除非是再
續鸞膠方歸舊庭院

桂枝香

秋鴻已遠春鶯方轉誰知路入花溪有個人兒
曾見似東風柳條似東風柳條翠翹花顫玉鈿
雲碾這冤牽一似韋郎妾來尋未了緣

不是路

何處嬋娟生在人間二十年真堪羨漁郎來起
武陵源信難傳重門慣臥金鈴犬欲扣花房未
敢前閒遊遍數來簾底尋方便盡憑春燕盡憑
春燕

排歌

白羽霜中丹楓水邊輕橈駕破蒼烟石橋西下
響潺湲楊柳風牽隔岸船笙歌擁花燭燃青鸞
飛下入文軒秋波烟翠黛鮮分明花洞小書僊

皂羅袍

門掩謝家深院見紋衾低展黼帳高褰燈花碎
結畫屏前麝蘭暗裊金鑪片繡簾風細深情未
言紗窗月冷芳心暗牽女牛對說長生殿

江東白帶
大聖樂

入巫陽雨戀雲纏幙全遮燈半剪瓊津煖潤春
羅薦濃香沁軟紅鑄這些時莊周曉夢迷蝴蝶
可正是望帝春心托杜鵑嬌痴腩腆盡平生供
養痛惜深憐

解三省

從今去春風茂苑從今去夜月文園從今去天
桃栽向河陽縣從今去玉種藍田從今去壺觴

歲歲郊西輦從今去簫鼓年年湖上船常畱戀
謝人間離別和你永遠團圓

皂角兒

念芳卿心專意堅儘他人海移山變任飄流水
宿風飡料隨處姓揚名顯休問咱走西秦畱南
越住東吳居北海天涯踏遍脚跟無線杖頭有
錢稱遨遊名山洞府定是神僊

尾聲

而今始信蓬萊淺青雀爭啣海外箋會看取同
赴仇池小洞天

中呂

好事近

代寶界山人
寄趙素卿作

人去莫登樓況當風景三秋蘇臺雲冷教人目
斷長洲悠悠試看霜空征雁分明寫一字字離
愁堪悲團圓未久爲甚匆匆頓拆燕侶鶯儔

錦纏道

記緣由爲當時情和意投年少更風流這姻親

朝朝暮暮來往扁舟意僊姬初難匹偶誰知道
便容消受遂爾兩兩綢繆巫陽縹緲雲深雨不收
靈鵲千羣駕似明河織女會牽牛

普天樂

性纏綿心拖逗永懽娛無倻憇又誰知霹起風
波驀然間打散雙鷗終須罷手怎禁得霎時間
絃剪箜篌

古輪臺

恨難畱半江斜日放歸舟淒涼正值金風驟梧
飄時候看淚洒江洲空溼透縷金衫袖料想別
來黃昏清晝任一簾落葉响銀鈎渾如病酒應
爲郎望斷雙眸宮眉細蹙楚腰纖削相思依舊
欲說又還休無限關情事一時和雨到心頭

尾聲

丰姿媚體態柔喚飛燕名兒非謬終有日還向
昭陽殿裏遊

南呂 香羅帶

壬申秋何昭華訪余玉山
山下扁舟西歸賦別

天寒澤國秋斜陽渡頭佳期千里一夕休只見
潮平月落水西流也戴個人兒去竟難畱傷心
滿目不盡愁誰料別院三杯酒斷送清溪一葉
舟

醉扶歸

好時光故把情拖逗惡姻緣何事苦追求新相
知都爲強支吾舊時交反把人掣肘金盆覆水

江東白話
總難收梨花冒雨甘消受

香柳娘

漫懷人倚樓漫懷人倚樓不堪回首一林黃葉
清霜皺對孤燈細籌對孤燈細籌今夜到湖州
蛾眉暫開否想心情不自由想心情不自由簾
櫳下鈎黃昏清晝

尾聲

秋來更比黃花瘦勸卿卿不須倻憊有一日遇

個人兒定好逑

南呂

七犯玲瓏

壬申八月十七夜遇
陳芳蘭于虎丘作

香羅帶琳宮驀地逢
翛然林下風飛瓊鞵鶴來
雲洞梧葉兒飄忽入芳叢
柳撼鶯初識路紆花
未通水紅花奈匆匆
一時愁冗豈料尋踪覓跡
重訪曲闌東
皂羅袍似賃春
孟女托梁鴻類聽
琴崔氏投張琪
空庭月滿花香酒濃
閨階露下
釵橫髮鬆桂枝香
密語還重訂
春詞定幾封排

江東白帶
歌巫陽夢恨又空上方風落夜堂鐘黃鶯兒環
珮有無中

前腔

再寄陳芳蘭

芙蓉翠館僊別來今幾年浣花溪畔驚重見誰
發夜深船野店雞初醒水村人未眠總畱連恩
情還淺不想前生少欠要了此生緣解犀梳分
却翠鬟蟬剪湘裙畱下生綃絹相思何處歸鴻
水邊夢魂飛去翔鸞鏡前宿約渾無定私書未

敢傳初寒日欲暮天多應伴月立西軒愁絕小
嬋娟

白苧卷上

續江東白苧卷下

雙調

步步嬌

別情 幻住子

壬申秋日代寄邢素蘭作

一夜梧桐金風剪敗葉空廊戰離愁有萬千夢
入蘭心芳香不變目斷碧雲天把西樓東角閒
凭遍

忒忒令

初見

記初見在春風繡筵又驀遇在夜香深院花枝
嫋嫋似趁風兒顫人叢裏信難傳人藂裏信難

傳又誰知背畫闌把秋波暗轉

尹令

重逢

自別去心畱意眷再沒處尋方覓便誰道渡頭
重面還似舊時迷戀路枕藍橋肯負前生未了
緣

品令

訂盟

娘行爲何再入武陵源池亭深處恰是降飛僊
幽期密訂去畱多腩腆太湖石畔只恐怕他人

瞧見帶綰同心共結束林祗樹邊

荳葉黃

幽遇

夜深沉漏滴銀鎖兒空聯挽青鸞翅入重樓挽
青鸞翅入重樓親受用香温玉軟一時繾綣釵
橫鬢偏真個是水雲中的鷓鴣真個是水雲中
的鷓鴣看遺却花鈿零落在銀瓶錦鞵

玉交枝

懽會

舞衫歌扇載卿卿西江畫船紅衣溼處清波濺

江東白芍
並頭開徹雙蓮絲絲柳條風渚牽瀟瀟竹影溪
雲淺擁鴛衾落月未眠酒初醒猶聞香喘

月上海棠

話別

最可憐懽娛未了生離怨恨片帆東去甚日重
還霎時間翠減香消頃刻裏山長水遠重罰願
願年年相見勝是今年

江兒水

離情

江水明於練秋雲薄似綿奈扁舟飄忽如飛箭

看牀頭翠被餘香捲囊中秀髮和愁纏怕睹社
前歸燕何日重來還向舊家庭院

川撥棹

哀怨

詩題絹淚斑斑成翠蘚夜迢迢輾轉無眠夜迢
迢輾轉無眠洞房虛孤燈慘然似枯枝泣露蟬
似風花哭杜鵑

嘉慶子

祈祝

腸斷箜篌第五絃奈萬事傷心在眼前總風波

江東白亭
續下
倏起平川總風波倏起平川誓把衷心鐵石堅
願頻頻音信傳莫教人眼望穿

尾聲 復合

歸舟有日還重見那時節錦堂懽宴銀燭高燒
繡帳懸

征胡兵 代閨人寄遠

天涯芳艸王孫去長途短途近來信下瀟湘浪
游知在楚夢投何處路雁飛去且不到衡陽我

芳魂怎度

前腔 答閨人

西江春水舟如箭歸期應不遠倩誰寄與卿卿
休只管憂與煎你暫時聊自遣繡窗下有日恣
歡娛黃昏小院

南呂 六犯碧桃花

華林百種玄都千樹艷色幽香絕異爭如一品
天然淺淡芳姿未許霜禽覩還憐粉蝶窺梨花

榭柳絮池淡粧濃抹兩相宜最愛他舞餘涼月
 霓裳冷最愛他歌罷陽春白雪飛香含素袖烟
 籠翠裾重門深鎖無尋處問僊姬天台應少何
 事阮郎歸唐戎昱詩重門深鎖無尋處疑有碧桃千樹花
 仙呂小措大癸酉季秋代綠蘿居士懷馬湘蘭作
 桂堂東畔背燈門掩秋宵孤雁數聲飛落空濠
 奈殘夢繞天涯自長干到寂寞形影誰弔聽譙
 鼓南樓天漸曉香燼消露冷芙蓉葉半凋為娘

行頓添縈惱音書斷絕無聊

不是路

暗憶多嬌別後容顏難畫描花枝嫋春生滿座
 氣何豪喜揮毫風流管日追蘇小詞翰當年駕
 薛濤描蘭艸秋枝葉葉能奇妙有這般才調這
 般才調

長拍

湛湛湘皋湛湛湘皋盈盈蘭沼雲水怎禁迢迢

章華臺館想裙兒半縮宮腰目斷帝城遙向晚
煙深處遠山殘照別浦歸鴉風正緊正客棹聚
江均胡爾錦書縹緲悵月明古渡浪急回潮

短拍

宋玉愁多潘郎鬢老向迴廊遍寫芭蕉何事女
兒曹只討得秀才家枯槁望殺秦樓蕭史直待
要吹斷鳳鸞簫

尾聲

金陵驛路原非寫江城日暮好相邀有一日銀
漢星飛渡鵲橋

中呂

榴花泣

代少室山人九日雨
花臺別陳文姝作

長江東注目斷荻花洲同攜手下青樓滿城風
雨總難畱依依的欲住無由原非浪遊笑書生
何事歸偏驟冷淡了馥馥香衾遺落了小小雲
堯

錦纏道

羨風流似石城當年莫愁嫵媚更溫柔翠紅鄉
天然生下一種嬌羞爲憐才情偏耐久非容易
便能成就眉畫兩山秋相逢花底雙波溜不收
驀地傳心處笑窺人佯整玉搔頭

節節高

江東第一流逞歌喉天邊過住行雲走鶯聲溜
扇影撈梁塵逗秋來更比黃花瘦風流一段難
消受曾聞金屋貯娉婷生身原是陳家後

漁家燈

今日裏別酒長亭明日向匹馬荒丘算只是幾
夜恩情比他人數年婚媾勸伊莫便多倜傥願
歲歲共逢重九夷猶終難逗遇丹陽道寒雲正
愁

尾聲

長干在望空回首亂山高下入常州心似江波
不定流

儂呂甘州歌

代敲臺居士
贈徐三瓊英

紅樓繡榜記風情千古猶見徐娘儀容聰俊月
下素蛾相倣宮眉秀靨難描寫高髻雲鬟別樣
粧堪憐向迴廊花底端相

蕙蕊共前腔

念年少綺羅生長見家常偏愛淺淡衣裳清歌
飛動天外野雲颺颺門盈海內文章客斷盡江
南刺史腸等閒將羈人忘却他鄉

不是路

何處劉郎引入桃源一徑長忙投訪見樓臺罨
畫舞鸞凰珮鏗鏘分明閨苑飛僊降邂逅相將
入洞房情惚恍似鴛鴦一對同飄蕩踏翻春浪
踏翻春浪

解三醒

生受處錦衾羅帳促急裏蝶趨蜂狂燈兒剔處
歡心暢東風橫燕鶯忙亂茸茸林花着雨臙脂

落軟欸欸水荇牽風翠帶長金鈎上看烏雲繖
處旖旎聞香

前腔

頃刻間霧迷青嶂霎時裏花落河陽長亭一曲
陽關唱青衫袖淚千行最堪憐半江露滴芙蓉
冷恰正是兩岸風凋楊柳黃情難忘總笑歌深
處獨自淒涼

尾聲

姑蘇東望添惆悵一騎重看入豫章却指金陵
是故鄉

商調

金落索

爲濱竹姜八懷
華亭秋水作

瑤臺一絳僊原住朝雲殿嬈娜腰肢秋水雙眸
剪塵緣未掃除思牽纏謫向人間十八年暫辭
王母離真境聊逐東風上舞筵垂楊線眉兒葉
葉更堪憐爲傷春怕立簾邊愁覩欄邊零落盡
桃花片

五更轉

羨畫梁棲雙燕奈姻親獨未完檀郎漫自漫自
多畱戀好事蹉跎光陰如箭念往回空逗遇無
方便蒼天甚日甚日從人願月轉迴廊夜香庭
院

簇玉林

今迢遞路幾千笑花神未有權任風開落飄蒼
蘚但芳心至死香不變恨綿綿幾多心事都付

十三絃

琥珀貓兒墜

那人何處消渴在文園贏得文君眼望穿陰雲
終散月終圓嬋娟須有日飛向蓬萊還寤生前

尾聲

清宵白晝難消遣含羞未敢向人言只恐青樓
作話傳

南呂

七賢過關

代金壇王四兒錫
山渡口曉別作

梧桐樹首四句雕簷風馬馳粉蝶霜身起幾夜畱君想

是終難住四犯黃鶯兒第七第八句殘燈尚熾芳心未灰山坡

羊第七句至第十句只得眼前眼前由他去路阻關河往

返全憑你香遍滿第三第四句奈衾寒枕冷畢竟有誰知

金落索第七句句至第九句水遠山長幾日歸今朝又向江頭

別忍見日落潮平是去時皂羅袍五六句思君輾轉柔

腸九迴桂枝香二句一似東流水日夜東流無盡期

此調南九宮不載起是梧桐樹想屬南呂宮分鏡記中有三首常聞王四兒歌之音調精

絕為當代女流第一檢雍熙樂府亦載四首

以平聲為韻脚而分鏡則前韻仄後韻平詳

西兒唱法頗似拜月亭四犯黃鶯兒寶鏡分

破兩句且第九句作高唱像荆釵記為你投

江為你把殘生害句似非山坡羊末句作低

唱像琵琶記須信家貧不是貧句似非桂枝

香又不琵琶記四兒何所從來也但第十三句下

面雍熙各多二句必是桂枝香分鏡不過一傳奇

耳若雍熙乃聖世正音當據為正可也予於

南呂 銷金帳 夜宿穆陵 關客舍

松窗半掩月落空庭暗笑孤身在關門店爭奈
夜永不寐剔殘燈焰西風透入透入茅簷破苦
起弄雙劍驚落疎星千點誰憐變了變了蒼蒼
鬢髯

南呂 楚江情帶金字經 歲暮客中書懷

春歸在客先窮途可憐江東雁轉書不傳每逢
花發記流年也王孫憔悴迢迢故園寒燈旅館

人未眠冷瀟瀟月落西軒冷瀟瀟月落西軒夢
遶巫峰遍歸程路幾千歸程路幾千何時信馬
鞭直撞入深深院○直撞入深深院恰相逢曲
檻邊駭得多嬌步欲旋步欲旋鞋兜雲髻偏禁
不住春心顫想今宵人月圓想今宵人月圓

楚江情卽羅江怨前段是香羅帶中段似皂
羅袍後段是一江風但羅江怨少中段三句

越調 小桃紅 乙亥初秋代安茂卿寄南都 褚舊作與暗思昔日同調

江東逐客冀北歸鞭歎來往一似梁間燕也寥

落關河底飄泊是何年東風裏哭啼鵲空奔走
會芳亭麗春園秋香館直踏遍朝雲殿也笑殺
漁郎緣分淺漫回首各風煙知何處武陵源

下山虎

金陵佳麗粉黛三千誰喚做司花吏可便萬中
堪羨怎知有燕乳鶯雛花濃柳鮮似蝶翅翩翩
風外軟沼上湘簾捲一朵紅粧出水蓮聞說道
名爲舊織柔可憐未許并刀却把小紅剪

山麻客

此調未定再查南九宮作二犯
鬪寶蟾近本作繡停針俱非是

試叩却深深院誰知道會你良姻就我芳緣嬋
娟天生下一種的芙蓉嬌面霎時間意猿心馬
玉憐香惜思惹情牽

五韻美

近本作醉歸遲
恨薄情俱非是

向紅樓行遊遍清歌妙舞多懽宴似娘行真覺
衆中鮮香閨靜掩羞檢點銀蟬金鈿但只是描
蘭艸展翠箋傷千古寫出南朝都是故宮廢苑

四般宜

卽蠻牌令

初掩映夜燈前
衷腸事苦難言
蘇卿情性徹都
付與四條絃
一心念雙生軟款
那裏管上水茶
船今日裏臨邛路
豈偶然
忔錚錚更將琴韻偷
傳

五般宜

近本作江頭送別賀昇平怨東君俱非是

他肯戀章臺中
青驄錦韉
他豈想侯門貴戚翠
屏綺筵
他是個新謫的洞中僊
咱是個谷口渡

口採芝劉阮
他那裏情何婉
變咱這裏行當
黽勉雖則是擔閣了盟言
料佳期應不遠

江頭送別

近本作鬪雙雞非是

傷春瘦傷春瘦
別來誰眷悲秋
淚悲秋淚會須
自遣不久錦堂還
重見休只管日夕熬煎

憶多嬌

此調刻南九宮譜原如魂渺漠唱近本增出十餘字不知何調

他志堅咱意專
盈盈牛女一水間
難道月圓人未圓
暗告蒼天暗告蒼天
有日星迴斗轉

尾聲

年華輾轉銅壺箭但促急音書無便相憶看雲
白晝眠

仙呂 四季花

寒宵
閨怨

寒氣透疎櫺正牕兒破風兒猛背却殘燈愁聽
高梧露滴秋夜清南山子規啼一聲月沉西門
暗扁曉鐘何處噹噹五更巢籠坐倚直到明輾
轉夢不成難道便一生孤另奈香冷篆冷衾冷

枕冷人冷

集賢賓

六朝舊事心暗評消磨多少豪英朱雀烏衣畱
話柄記潘妃蓮步輕盈景陽宮井多半是佳人
薄命須自省盡沉沒莫天鴻影

簇林鶯

還懷舊自幼齡播蜚聲滿上京長干歷遍諸名
勝鳳皇臺晝登燕子磯曉行莫愁湖上春風艇

總無憑年華已矣何事負平生

琥珀貓兒墜

而今憔悴獨對短檠燈眼見淒涼逢暮景當初
誰道又恁零丁牽情羞覩那烏鵲橋邊匹配雙
星

水紅花

海盟山誓信非輕數年庚今成畫餅一生寂寞
竟何曾問儒卿甘心誰等挽不住夕陽西下遣

不去恨難平這場恩怨不分明也囉

尾聲

歎行藏頻看鏡大都塵世總浮萍不如靜掃花
前去學誦經

雙調 二犯江兒水

莫雲卿携戴膩
兒過婁水作

娘行清秀覩着俺娘行清秀秦樓誰更有愛櫻
桃注口秋水凝眸似章臺風外柳怯怯啓鶯喉
怯怯啓鶯喉行雲去欲畱繡被香兜羅襪雙鈎

喜孜孜軟身軀全是酒溪邊渡頭水河阻溪邊
渡頭黃昏清晝受用足黃昏清晝羨君家遇人
兒是莫愁

商調

啄木兒

題幽閨女郎○此套出商輅三元記戲文春歸後花正卉同調

誰家女兩髻了滿臉嬌羞將破瓜聽清聲如柳
外雛鶯覷香鬟似日裏寒鴉選良姻不便輕婚
嫁守清規常自甘孤寡好似一朵藏風葉底花
賣花聲帶啼僊洞

獨閉房櫳有誰懽狎伴侶相邀暫同戲耍繡鞋
剛三寸些兒大細腰身捻就無一把避東風簾
多下○步花徑欄檻狹防人覷常驚詭荆棘抓
裙鞞倒閃在茶蘼架勾引得嫩枝呶啞討啼尋
空罇仗舊家巢燕引入窗紗

尾聲

這多嬌真無價若還情願到人家準備日夜燒
香供養他

中呂好事近代瑯琊季子寄白玉英

花館貯多嬌冠當筵風度飄飄熾歌飛處柳外
乳鶯春曉閨宵換套青袍烏帽分明是宋玉的
丰標如今恨歸遲去早為甚雲迷楚岫路阻藍
橋與風月兩無功同前四句似泣顏回以東野
翠烟消作好事近非阻字莫作低唱好接後

泣顏回

風雨坐無聊奈別後憂心悄悄蘇堤何處重湖
烟水迢遙料嬉遊興少有一日定返山陰棹明

知伊誓重盟深空教人目斷魂勞與聽說淚交
頤同因前四
句似好事近諸本以東野
翠烟消不作泣顏回非也

榴花泣

江州司馬疑是舊根苗看他樊素口小蠻腰青
衫應是淚痕交憔悴了雨葉烟條音書怎稍笑
錢塘路近人難到倚南樓風色淒淒夢西堂竹
影瀟瀟與折梅逢使同前六句是
石榴花後四句是泣顏回

石榴花

他世情無奈只得暫相拋豈貪跋涉戀遊遨我
可不甘心閉戶守寂寥這姻親自分難遭肯還
尋閒花并野草料花星定然相照從今後步東
山出西郊調鸞瑟醉鮫綃南九宮朔風凜凜同
乃石榴花本調■諸

本俱未收

尾聲

雙雙引入巫陽廟定看算算與朝朝羞殺人間
兒女曹

南○巫山十二峰代高平生憶杜隱娘

三僊橋

一從他們起暫
時畧聚首止

院落清明左右遇花時倍倜傥關河路阻雁歸
書未有

白練序

颿颿萬縷長起
画橋遊舫止

清畫上小樓奈觸目雲山都是愁難尋究風飡
水宿淡烟疎柳

醉太平

惆悵藏鴉未
穩起堪傷止

輻輳雙雙配偶是誰人打散覆水難收離箋恨
譜書不盡舊日根由無仇

普天樂

婚姻分內緣不到起
使人夢斷魂勞止

緣何處處藏機毅誓把菱花生分割繫春鴻另
趨書郵掣文鴛還添械杻絆驂騑使人更射戈
矛

征胡兵

百愁萬苦千生受
起飯食何處有止

千山萬水親投首逆來俱順受自知萬死一生

爲郎甘出醜

香遍滿

須索要掙閨起也
只爲糟糠婦止

認千般斷送已擦却一命丟誰知恁這毒劣却
又得神明祐

瑣寒窗

守孤幃幾度沾衿
起毋苦難禁止

歎如今流落滄洲何處天南海北頭料停雲滯
雨似漂渺孤鷗

劉潑帽

烏絲醉寫恨紅袖起
半霎兒渾忘舊止

想房櫳靜掩眉兒皺應未休性格兒還如舊

三換頭

鸞臺罷粧起且都揀捨止

風花路岐暮雲時候秋深別館想寒生敝裘此事明知拖逗這其間只是我不合來把伊掣肘

梁州序

向水山起幾人見止

致娘行害得無人救音信遠有誰叩

節節高

漣漪戲絲鴛起人清健止

風迴順水舟坐中流江頭有日輕帆走功名就

志願酬姻緣又綵雲飛處青鸞驟

東鷗令

青山疊疊水悠悠兩句

腰纏騎鶴上揚州談笑覓封侯

尾聲

喜重諧言非謬試看織女共牽牛擬定相逢在歲週

南九疑山

代金陵馬瑤姬寄渤海次君

香羅帶

一從鸞鳳分起首飾典無存止

江東日暮雲寒鴉遠村關河千里勞夢魂四年
不見倍傷神也

征胡兵 飯食何處有起
方纔可救止

黛眉多瘦損往來空寄信總然要打聽近行蹤
無人可問

嬾畫眉 強對南山起流
水共高山止

鳳城車騎日紛紛只得勉強支持病裏身奈蕭
郎不是個中人 蕭郎瑤
姬近友

醉扶歸 只怕為你難移
寵起心先痛止

最憐有線無針引因此上杜陵來去沒寒溫到
不如崔生日夜常親近 杜三堂崔澤
濱次君密友

梧桐樹 黃鶯似喚儔起
故把人儂愁止

香囊刺繡新画扇描蘭俊自着春衫束得腰身
緊寄時萬縷縈方寸

瑣寒窗 那愁他罄囊虛廩
起賢孝堪欽止

一星星意真情懇偶聞君與水館有深盟這忘

機鷗鷺休親

盟鷗次君
新築館名

大迓鼓

姻緣雖在天起
赤繩不曾縮止

相逢期孟春上元佳節燈火黃昏尺書何事無
憑準

解三醒

空回首望孤雲
起還思付止

今回晉又過春分長江且是東風順况一騎丹

陽便到白門還思付

劉潑帽

烏絲醉寫俚紅
袖起渾忘舊止

紅顏定是多薄命莫負恩看舊日緣和分

尾聲

秋來又見歸鴻陣倚樓南望正斜曛
擦却和淚緘書再寄君

朝元歌帶朝元令

送表弟凌升
伯遊嶺南

江通五溪旆拂青羅水山開九疑騎入紅蕉壘
鷓首泉飛馬頭雲起最喜林花如綺故惹征驂
清香細細生客衣山木女郎祠猿聲十二時長

江東白亭
亭有幾休回首故鄉迢迢故鄉迢迢○試聽杜
鵑何處黃陵廟裏啼只管喚人歸松篁掩翳見
晚烟深翠微晚烟深翠微洞口臨沙際驛路楚
雲西欲致相思折梅花動不動人千里遠遊更
堪悲千山落照移湘江鯉魚好囑付素書頻寄
素書頻寄

續江東白亭卷下



